

SCHNITZELBANK VON ALEXANDRA UND NICOLE

(TEXT: ALEXANDRA, ILLUSTRATION: NICOLE)

60 JOOR MAMI


**ICH BIS CHRISTELI JÖRG-HÄRING
IM GANZE AESCH BIKANNT
BI IMMER E FLOTTE MAMMELI GSI
DOCH JETZTE BINI GSPANNT**

**IHT WÄRDET JETZTE ÖBIS KHÖRE
VO MINE 60 JOOR
UND WENN DÄ SCHNITZEL FERTIG ISCH
DENN HAN NIT NUR ICH GRAUI HOOR**



**JETZT ISCH DOCH S'MAMI 60 WORDE
UND MÖCHT DAS FIERE MIT ERE GANZE HORTE
DRUM HÄMMER UNS DÄ DAAG FREIGHALTE
UND WÄND DAS FESCHT MITHÄLFE GSTALTE**

**HÜTTZUDAAGS ISCH 60 JO GAR KEI HOCHS ALTER MEH
MIR NÄMME A, SO FIT WIE DU BISCH,
SIND GRAD NOMOL SO VIEL NUR FAIR.**




ALS BLONDE ÄNGEL MIT LOCKE KOPF
ISCH MÄNGE BUEB GSI EN ARME TROPF
DENN HET ER EINS UF E RANZE BIKHO
ISCH S'MAMI GSI GANZ STOLZ UND FROH



**DOCH WEHE DR GROSSVATI HET DAS KHÖRT
DASS HET DENN S'MAMI GANZ GRUUSIG GSTÖRT
VOR LUTTER ANGSCHT HET SIE FASCHT GFROHRE
WILL SIE HET ERWARTET E SATZ HEISSI OHRE**



**HÜT GIT DIR S'MAMI GANZ ANDERE ZEICHE
WENN DAS GSEHSCH, WEISCH SIND GSTELLT DINI WEICHE
D'NASEFLÜGEL BEBE HEFTIG
JETZT MUESCH ABRENNE, ABER DEFTIG**



**ABER MEISCHTENS ISCH SIE JO VIEL Z'VIEL NÄTT
WENN SIE KÖNNT GÄH NO MEH, WENN SIE DOCH NUR HÄTT
DRUMM DÜEMER BALD DR NAME UMTAUFE
D'MUETTER THERESA HET SICH NACH AESCH VERLAUFE**



**DAS MIT EM ZAHLE ISCH DOCH AU SONE SACH
WENN SIE NÄMLI NIT DÖRF, MACHT SIE E HUEREKRACH
UND DÖRF SIE DOCH, DENN GLAUBSCH ES NIT
DENN S'TRINKGÄLD WIRD E RIESEHIT**



**WENN S'MAMI KUNNT IN E RESCHTAURANT IENE
DENN STRITTE SICH ALLI, WÄR DARF SIE BEDIENE
SONES GSCHÄFT WILL ME SICH SCHLIESSLICH NIT LO ENTGOH
DENN 100 % MEH, MACHT ALLI FROH**

IN DIE LANGI ERLE MUESCH JETZT DENN AU NÜMM GO
DENN S'MAMI BEHERBÄRGT AU BALD SONE ZOO
DRUMM DÖRF SIE HÜTT AU NIT ZLANG DO FESCHTE
SÜSCHT KHA SIE JO NIT IHRI VIECHER MESCHTE




WÄGE DENE TIERLI KRIEGSCH AU S'MAMI NIE FURT
WILL DENE ANSCHIENEND IMMER DR MAAGE KNURRT
MIR KÖNNT EUCH SAGE, SIGGET FROH
ISCH S'CHRISTA JÖRG HÜT ÜBERHAUPT AU KHO

**E GROSSE GARTE WÄR EM MAMI SIN TRAUM
DO DRINN WÜRD STOHNIT NUR E BAUM
NEI, SONDERN ÄNTE, GEISE, HÜND
SIE ISCH JO SCHLESSLICH TIERLIFRÜND**



MINIPICS UND VIELLEICHT NO EN ESEL
DAS WÄR JO ALLERHAND
UND SCHLIESSLICH FÄHLT ZU IHREM GLÜCK
NUR NO EN ELEFANT



DENN GITS DO NO IHRI KLEINI TERRASSE
DIE DÖRFSCH JETZT ABER NIT VERPASSE
DIE SCHÖNSCHTI SIGGS IM GANZE LAND
VERZELLT ME SICH HINTER HOHLER HAND




IM FRÜEHLIG, IM SUMMER UND AU AN WIEHNACHTE
MUESCH MOL IHRI DEKORATION BEACHTE
DIE ÄNDERET NÄMLI JOOR FÜR JOOR
MIR VERZELLE KEI SAICH, DAS ISCH WÜRKLI WOHR

**S'MAMI HÄTT GÄRN E FCB-CHARRE
MIT DÄM KÖNNT SIE DENN NO SCHNÄLLER FAHRE
DOCH HET SIE SICH NIT 'TRAUT DR GROSS AZHAUE
OB ER WÜRD IHRE DR WAGE UMBAUE**



**DO HET SIE DÄNGGT, JÄNU SO DENN
ICH KLÄB MI AUTO VOLL
MIT DENE VIELE WÄPPELI
FIND ICH AU MIS AUTO TOLL**





SO GÄBS NO VIELI SÄCHELI, WO ME KÖNNT VO MAMI VERZELLE
ABER MIR WÄND JO SCHLISSLICH ALLI HIT NO S'MAMELI
VERPRELLE

MIR DANGGE DIR FÜR DAS TOLLE FESCHT
UND WÜNSCHE DIR NUR S'ALLERBEST
GSUNDHEIT, ZFRIEDEHEIT UND GANZ VIEL GLÜCK
SÖLLE DICH BEGLEITE STÜCK FÜR STÜCK